


# 中州集

七



漢書門類			
一	八	三	一
冊	函	架	號

內閣文庫			
三	二	一	漢
函	三	二	書
一	八	九	類
架	冊	號	類

內閣文庫			
番號	漢	11285	
冊數	10	( 7 )	
函號	358	77	



憲籍  
銅

日  
山  
香

中州集姓氏總目草文庫

第七卷

國  
立  
公  
文  
書  
館

蘭泉先生張建二十三首

張瓚一首

毛宮教塵七首

朱宮教瀾三首

姑汾漫士王琢六首

呂中孚九首

中州集

卷七總目

及古

王元節三首

李端甫一首

楊澤州庭秀二首

孫省元鎮一首

張著二首

景覃一首

段繼昌五首

岳行甫二首

迂齋先生周馳二首

劉太常鐸七首

李扶風節二首

劉勳一十三首

李澣四首

秦略一十三首

張琚二首

馬編脩天來一首

張內翰本一十首

申編脩萬全二首

崔遵三首

王主簿革一首

衛承慶一首

劉昂霄一十四首

田紫芝三首

王萬鍾三首

雷瑄一十九首

王亳州賓三首

李夷三首

郭邦彥六首

史學八首

侯冊五首

王元粹三十三首

王鬱一十二首

中州集卷第七姓氏摠目 終

中州集目錄

第七卷

蘭泉先生張建 二十三首

擬古十首 山中

韓信廟 送張子玉

梨花 答華陰宋先覺

送賀彥淳還南邠 山村風雨圖

賦胡直之溪橋蓮塘二首

雜詩二首

俊師定菴

送王主簿還鄉

張瓚 一首

游棲巖寺

毛宮教麾 七首

無題

游河西孫氏園

魏城馬南瑞以異香見貽且索詩為賦二

首

新春雪與韓府推

和思達兄杏花

春賞

朱宮教瀾 三首

寒食不出

黃筌雀蝶

宮詞

姑汾漫士王琢 六首

元夜雪

和張仲宗雪詩不用

體物諸字

同漕使趙中憲對雪

癸酉歲大熱

辛未九月二十一日

雪

雨夕感寓

呂中孚

九首

小景

春月

水聲

雪

送李嘉甫信都令耘甫之弟

寫懷

梨花

集句

柳

王元節

三首

青塚

與党世傑軍判丁亭

會飲

古鎮道中

李端甫

一首

太白扇頭

楊澤州庭秀

二首

成臯道中

李簡之蓮池集句

孫省元鎮

一首

許氏雙桂堂

張著 二首

九日

雨後

景覃 一首

感事

段繼昌 五首

梨花

一溪

春早 二首

讀紀信傳

岳行甫 二首

謝人惠二小漆冠

立春日

迂齋先生周馳 二首

箸詩

鼓子

劉太常鐸 七首

三陽述懷

即事

澠池驛舍用苑極之郎中韻

春日

所見

讀李訓鄭注傳 二首



李扶風節二首

漁父

有感

劉勳一十三首

讀張仲揚詩回題其上

偶作

杜善甫乞炭

呈呂陳州唐卿

秋涼

愛詩李道人嵩陽婦隱圖

乙夜陰晦

傷曹吉父之死

同趙宜之賦梨花月

不寐

戲鄭秀才

春日

答仲和

李澣四首

漫書

二老雪行圖

祕書張監墨梅圖

燈下梅影

秦畧一十三首

峯秀峰

雪行

鳥影過寒塘

悼亡

元日

贈趙宜之

白髮

同希顏裕之賦樂真

竹拂子

少室山卓劍峰

此身

穀靡靡上黨公府作

麝香

趙洛道中

張琚 二首

移河中

秋夜

馬編修天來 一首

山中

張內翰本 一十首

得王子正書

寄弟

梁都運斗南新居落成

中秋雨夕呈君美

九日月中对菊同禧伯郎中賦六首

申編脩萬全 二首

病中遣懷

和陳舜俞詩

崔遵 三首

送裕之官鄧下兼簡仲澤

和裕之二首

王主簿革 一首

寄答劉京兆

衛承慶 一首

感興

劉昂霄 一十三首

中秋日同辛敬之魏邦彥馬伯善麻信之

元裕之燕集三鄉光武廟諸君有詩昂

霄亦繼作

趙村晚望

送裕之往洛陽兼簡

伯英 題裕之家山圖

同敬之裕之游水谷分韻賦詩得荷風送

香氣五字各賦一首

寄申伯勝三首 游五渡谷

田紫芝 三首

夜雨寄元敏之昆弟

亂後登凌雲臺 冥鴻亭下第後作

王萬鍾 三首

春宵 元氏桂軒為敏之賦

江村風雨圖

雷瑄 一十九首

信陵館酒間二首

客有自關輔來言秦民之東徙者餘數十

萬口攜持負戴絡繹山谷間晝食無糗

糲夕休無室廬飢羸暴露濱死無幾間

有為秦聲寫去國之情者其始則歷亮

而宛轉若有所訴焉少則幽抑而悽厲

若訴而怒焉及其放也嗚嗚焉悒悒焉

極其情之所之又若弗能任焉者噫秦

予父母國也而客言如是聞之悲不可  
禁乃為作商歌十章倚其聲以紓子懷  
且俾後之歌者知秦風之所自焉

陽夏懷古

龍德宮

南國

古意四首

王亳州賓 三首

衛真道中

舟中

除夜

李夷 三首

贈國醫張子和

古劍

書淵明傳後

郭邦彥 六首

秋夜聞彈箏篴

村行三首

酒醒

讀毛詩

史學 一首

陪陳彥文謁筠泉榮上人 才長



口少集 九

宮詞 學優 九  
默翁溪山橫幅

李道人嵩陽歸隱圖

晚梅 七夕

醉後 過太室

侯冊 五首

寒食 醉中

學古體 昨朝

楚宮

王元粹 三十三首

春日 臨高

葉縣贈李長源 送李文起令郟城

九日 壽李長源

旅次 西山避亂三首

還鄂城舊居 經廢宅

登鄂城寺樓 八月二十三日夜走

西山 哭李長源

口少集 卷七目 及

襄陽七絕句

武侯廟

萬里

醉後

丹陽東樓

東樓雨中七詩

王鬱

一十二首

春日行

寄遠吟

陽關曲

傷別曲

長安少年行

楚妃怨

古別離

秋夜長

折楊柳

遊子吟

楊瞿贈李司戶國瑞

飲密國公諸子家

中州集卷第七

康集

蘭泉先生張建 二十三首

建字吉甫蒲城人明昌初舉才行授絳州  
 教官召為宮教應奉翰林文字以老乞身  
 道陵愛其淳素不欲令去左右眷眷久之  
 趙同知華州防禦使事仍賜詩有從今畫  
 錦蓮峰下三樂休誇榮盛期之句士林榮  
 之吉甫自號蘭泉老人有集行於世其論



詩云作詩不論長篇短韻須要詞理具足  
 不欠不餘如荷上洒水散為露珠大者如  
 豆小者如粟細者如塵一一看之無不圓  
 成始為盡善吉甫詩雖不能盡如所言然  
 亦未為無所得也

擬古十首

飛雲何冉冉高與日月齊中有兩仙人盛服持玉  
 壺我欲從之游天險不可躋邈焉望不及短日西

山西

又

客從岳頂來貽我松粉黃為言服之久身輕欲飛  
 翔我嘗淡無味我嗅窳無香還君三太息世好方  
 膏梁

又

枯桑依頽垣摧折生理微剝我枝間葉備君身上  
 衣葉盡誰復顧棲鳥來亦稀君看牡丹叢日日竿



歌園

又

青青河濱柳柯葉柔且妍一從智巧萌戕賊為椽  
椽器成豈不佳天質失自然爭如何堤上濯濯披

春烟

又

石泉何清冷中有九節蒲蒲性本孤潔不受滓穢  
汗一移入城市生意寄泥淤翠葉日焦卷不霜而

自枯寄言守靜者勿涉奔競途

又

庭前蘭蕙窠三年種不成門外旱蒺藜一旦還自  
生第恐傷我足鋤去根與萌如何一雨後走蔓復  
縱橫

又

有客曳長裾袖刺謁高閣低頭拜闈者始得通姓  
名主人果厚眷開宴海陸并顧必承彼顏語必順

彼情不如茅簷下飽我藜藿羹

又

葦葦嶧山桐一樹卞二枝枝分十二律所拍各不移胡爲師襄子獨謂東南竒一律不可闢一枝不可遺誰能以此意說似典樂夔

又

美人何熒熒顏若若之英絕世而獨立一顧傾人城三星正當戶侯我亦在庭之子無良媒不敢犯

露行

又

丘中有一士顏貌清且癯緼袍僅蔽體蔬飯不滿盂時出蓬華門鼓腹歌黃虞不知何所得鎬首望

八區

山中

林櫻陶紅珠打着琴上絃山人時一笑愛此聲琅然

韓信廟

一檄風馳萬壘降當時意趣已難量既能歸漢識  
真主何必下齊求假王將幄深嚴巖樹碧門旌搖  
曳嶺雲黃我詩責備春秋法勝把君侯美處揚

送張子玉

渭水玻璃碧秦山劍戟明秋光如我瘦行色與君  
清蟬嘒西風柳鴉翻落日城歸舟幸無物且莫苦

貧程

梨花

蠹樹枝高茁朶稠嫩苞開破雪搓毬碎粘粉紫鬚  
齊吐潤卷丹黃葉半抽月影曉窓畱好夢雨聲深  
院鎖清愁瓊脰已實香猶在散入長安賣酒樓

長安

酒家有  
梨花樓

答華陰宋先覺

雲臺清集憶當年詩筆逢君厭老拳後會邈如千  
里遠壯懷不似十年前風帘搖曳橋南酒烟樹溟

蒙渭北天咫尺靈山飛不到夢魂長遶玉峰蓮

送賀彥淳還南邨

玉峰明滅暮雲邊默計歸程約半千襁負尚怜靈  
照幼家貧賴有孟光賢臨岐淚眼三年別夾路風  
槐六月天佇立望君西去遠夕陽村落起孤烟

山村風雨圖

雨昏山店望未見風緊傘簷張不開莫訝披圖便  
成句為曾行到此中來

吉甫又嘗有詩云風卷旱  
塵攬馬過雲移涼影趁人

行其寫目前之景甚與山  
村風雨詩相侖今附于此

賦胡直之溪橋蓮塘二首

漁父詞體

溪橋脚下水平分橋柱萍粘浪打痕天向晚日攪  
昏兩簇青烟斷岬村

又

拂拂輕風漾翠瀾粉煤新撲小荷盤塘水漲岸痕  
漫草閣臨流五月寒

雜詩二首

瓦竝擔山泉石鼎煮巖菊燎以松桂枝清芬滿茅  
屋

又

踏雪尋梅花雪梅同一色不是暗香來梅花尋不  
得

俊師定庵

停泓石上泉照我良是我輕風一蕩激真態互掀  
簸乃知求慧性非戒定未可道人此名庵千劫付

一坐海月自澄明天花任飛安吾生劇萍梗萬里  
信漂隨湛然摩尼珠坐受昏塵畏何時陪遠公同  
社事香火

送王主簿還鄉

笑君習氣只書生薄有歸裝亦自清瘦僕擔詩雙  
籠重羸牛引輓一車輕長亭已過那知遠別酒猶  
多未忍傾記取明年斷腸處玉梨花底月三更

張瓚一首

瓚字器之河中人才氣超邁時輩少見其  
比年未二十以鄉試魁陝西河東不幸早  
世張吉甫弔之云惜哉器之真丈夫少年  
讀徧天下書一事不成死於途苗而不秀  
有矣夫秀而不實有矣夫其爲名流所嗟  
惜如此

游棲巖寺

林表招人白塔明竹間蘭芷石泉清惠崇水墨西

軒景烟帶平蕪水帶城

毛宮教麾七首

麾字牧達平陽人大定十六年舉學行特  
賜進士出身授校書郎入教宮掖歷太常  
博士終于同知沁州軍州事有平水集行  
于世

無題

小顰對起石州山楊柳分青入髻鬟乍識春風眼

如鵲爲誰無語獨凭闌

游河西孫氏園

亭樹依山水亂鳴已如罨畫障中行  
照溪芳樹紅雲合迎客幽禽翠羽輕  
豪氣未饒金谷友醉魂如到錦官城  
猶慙歸騎忽忽去不得持杯待月明

魏城馬南瑞以異香見貽且索詩爲賦二首

梅心蘭甲類元同氣壓荀家百和功  
借潤更煩纖手玉出雲初試博山銅  
崇朝日下亭亭蓋三月花

間細細風我有因緣在香火鼻端消息為君通

又

二卉真香豈復加便宜編譜入雄誇  
畱殘一點薔薇水幻出諸天落葡花  
佩帶正垂金鈿小薰爐孤起翠雲斜  
金籠甲帳豪華事慙愧桑樞甕牖家

新春雪與韓府推

春到千門氣自嘉更教飛雪助年華  
六街官柳枝枝絮一夜江梅樹樹花  
况是縱吟多伴侶直須爛



醉作生涯埽庭迎客東風裏幕府風流有故家

和思達兄杏花

碎剪明霞役化工曉園香散暖煙中羞逢柳眼三  
眠白分得桃腮一笑紅上苑繁華迷故國曲江顛  
額老春風欲傳此恨花無語強對芳時作醉翁

春賞

潤入梅天雨乍晴喚回春意有新鶯雲霞照眼青  
山近羅綺吹香白晝明翠勺銀罌沽酒市暖風遲

日賣花聲人人共喜華胥世何用鰲頭羨錦城

朱宮教瀾 三首

瀾字巨觀霖堂先生之子學問該洽能世

其家大定二十八年進士時年已六十意

氣不少衰歷諸王文學應奉翰林文字終

於待制党趙推挽之力為多以嘗入教宮

掖故集中多宮詞

寒食不出

地偏無客過吾廬寒食清明入燕居驥子捧甌仍  
臘茗孟光舉桉只春蔬蠅沾香篆渾傷字蜂感瓶  
花半隨書習氣未除還自笑却將佳節付三餘

黃筌雀蝶

飢雀喧爭蛺蝶孤錦宮城闕見丘墟老筌妙意誰  
知解丹粉圖中有諫書

宮詞

太一芙蓉上下天秋波澹澹白生烟採蓮宮女分

花了笑把蘭篙學刺舡

姑汾漫士王琢 六并

琢字器之平陽人與毛牧達同時相友善  
天性孝友為鄉里所稱酷嗜讀書往往手  
自抄寫家素貧乏而能以剛介自持未嘗  
有所丐貸時命不偶年四十五以病卒士  
論惜之有姑汾漫士集行于世所著中聖  
人賦今世少有能到者詩好押強韻務以

馳騁爲工七月十五夜看月云歷樹有驚  
 鵲悄鄰無吠雁對雨云春雨薄如夢曉雲  
 閒似愁秋霖云窗寒知氣重人靜覺泥深  
 驟雨云電點撒冰彈電光飛火繩春陰云  
 庭澹梨花月樓寒燕子風夕雨云練挂遮  
 簷直麻懸到地齊此類甚多

元夜雪

寶燈樓閣澹連雲轉盼俄驚糝玉塵遊伎行歌俱

失意蔬畦麥壠自知春良宵不肯平平過造物應  
 誇着着新獨有中天端正月一尊梅影屬閒人

和張仲宗雪詩不用體物諸字

天人應卜歲出此當佳占舞巧穿幽隙堆寒墜短  
 檐閒門誰擁篲醉館自開簾比興非無物詩人正  
 避嫌

同漕使趙中憲對雪

投隙穿窗苦見侵向無湘耐若爲禁花多不入貧

家眼歲好方知造物心躍馬共思追兔跡抱戈誰  
與置羊斟新詩與靈爭奇峭擁褐空齋得細吟一又

詩南華夢好初飛蝶閨苑春閒又落花似勝前詩恨終篇不能完好耳

癸酉歲大熱

似動不動雲蒸空欲雨未雨天無風時時日脚蹴  
雲破一射萬土紅爐中織絳挂體劇重鎧大屋僅  
可為樊籠積冰為丘坐自潰輕箠况得微涼通山  
林亦聞有暍死城市偏側宜無容吾生于熱亦屢

度此熱盡可并前鎔雖然一氣播常令頓作駭異  
疑非公曾聞天南有祝融出入毒霧騎雙龍自從  
鼎去昧神怪無乃煽處行心胸手搖斗柄酌炎海  
力逐燄怒乘離宮喜為鬱蒸怒為火流爍金石乾  
河洪熾昌自欲弄朱夏驕蹇未肯官炎農霞烟灼  
灼燥昏曉鳥獸喘喘茫西東此而不制滿三伏遂  
恐百物隨枯蓬太白之兵攢萬鋒銀河之浪滔無  
窮可洗虐焰夷姦凶我欲呼懇煩神功眈眈九虜

天關重

辛未九月二十一日雪

幾日西郊霧連宵北牖風菊花猶汎酒雪片忽填  
 空草樹秋容失河關曉氣濛聽初起落葉仰不辨  
 高鴻爛熳三冬意憑凌百圃功披裘赴雞黍埽徑  
 惜籬葑豈料玄英巧來爭白帝雄剪裁渾草草飛  
 舞太怱怱祇作干時令非關兆歲豐冬雷恠相似  
 春電冷應同安得蛟龍蟄何由翳靄通日華升赤

壁天色湛青銅尚有登臨興寧無賦詠工烟霞狂  
 醉嘯一發醉顏紅

雨夕感寓

漠漠初燈後森森細點飄繁聲入遙夜冷簾恍秋  
 宵起欲吟相和吁無客可招何曾洗兵馬但覺漏  
 薪芟雷電初無預炎蒸遂不驕瀉檐鏘未歇欹枕  
 兀無聊澗已山輪潦堤應水沒橋長林倦今夕孤  
 鳥撼驚條似我纏憂戚因貧隋寂窳避人猶虺蜴

擇宿等鷓鷯共世難  
曹彌無才匹管蕭  
苦心還自笑末俗本多囂  
未老愁摧鬢長飢帶騰腰  
沐寒少陵被飲陋子淵  
瓢射策初游漢  
灃山敢傲車  
竟垂耳風鷓忌干霄  
一室元空埽千鍾  
豈易要芳蘭逼憔悴尺鷃失逍遙  
字對諸生識詩煩衆手  
瑯搜求勞腎胃憂擊謝咸韶  
舊弄新絃掩窮途拙目  
搖爭為壯夫篆只使古風  
澆五指甘時巧包羞愴  
道消優游能卒歲三四儘  
論朝故幔幽霖透長檠

暗燼挺不辭墻出茵儻見穀  
抽苗饜飫貪夫腹翻騰樂歲  
謠晴樓交燕雀涼樹沸蟬  
蜩坐快虹蜺出憂無萍梗  
漂浩歌彌激烈興在海門潮

呂中孚

九首

中孚字信臣冀州南宮人孝友純至迄今  
為鄉人所稱累舉不第以詩文自娛有清  
漳集行于世其賦紅葉云張園多古木蕭  
寺半斜陽先君子甚愛之

小景

青蕪平野四圍山山郭依依紫翠間  
村遠路長人去少一竿斜日酒旗閒

春月

柳塘漠漠暗啼鴉一鏡晴飛玉有華  
好是夜闌人不寐半庭寒影在梨花

水聲

長陂千頃碧溶溶浪卷秋風過石砭  
記得夜來愁

聽處一燈明滅照寒窗

雪

隨風拂拂玉花飄入夜寒窗更寂寥  
爐火已殘燈未燼一簾疎竹白蕭蕭

送李嘉甫信都令耘甫之弟

溪水碧於草溪邊送客行寫詩傳別意  
把酒聽歌聲去路青天遠歸心白羽輕  
尊前折楊柳一一是離情

寫懷

秦川西去遠不意過漳川  
歸夢三千里羈愁二十年  
謀生空白髮行路若青天  
餘事休相問相留只醉眠

梨花

等待清明得得芳團枝  
晴雪暖生香洗粧自有風  
流態却笑紅深睡海棠

集句

騷人吟罷起鄉愁百感中  
來不自由一種人間太  
平日滿衣塵土避公侯

柳

風外絲絲裊綠烟  
輕花初破不成綿  
却嫌官路逢寒食  
惱亂離愁似去年

王元節 三首

元節字子元知州人  
祖山甫遼戶部侍郎  
又謂海陵朝左司員外郎子元壻於南山



翁傳其賦學第進士雅尚氣節不能從俗  
俯仰故仕不達既罷密州觀察判官即閒  
居鄉里以詩酒自娛號遜齋老人年五十  
餘卒弟元德亦第進士有能名於時終於  
南京路提刑使

青塚

環珮魂歸青塚月琵琶聲斷黑山秋漢家多少征  
西將泉下相逢也合羞

與党世傑軍判丁亭會飲

望斷西州萬里家又將新火試新茶青油幕下成  
何事兩見常山山杏花

古鎮道中

秀拔諸峯鎮海墩海天水氣兩昏昏鷗飛翠竹白  
沙地人宿黃魚紫蟹村向背雲山行處路淺深潮  
浦漲來痕同游幸有能詩客不倦躋攀到石門

李端甫

一首

端甫字濟夫同州人第進士

三王內恕  
及人榜仕

為平定州軍事判官工于詩有虎迹未乾

溪水近樵聲相答嶺雲深之句子實字師

白死於壬辰之亂

太白扇頭

巖冰澗雪謫仙才碧海騎鯨望不回今日霜紈見  
遺像飄然疑自月中來

楊澤州庭秀

二首

庭秀字德懋華州人大定中進士學詩於

蘭泉張吉甫有渴心曉夢江湖濶醉眼春

風草木低之句泰和三年刺澤州致仕後

閒居鄉里坐為楊珪誣誤被法士論冤惜

之

成臯道中

瘦馬成臯道阻長崢嶸冰雪老年光九關欲上虎  
豹怒三逕未歸松菊荒嵩少雲烟聊駐馬漢唐宮

幾兩亡羊鄭南嶺下梅花發千里相思空斷腸

李簡之蓮池集句

一月衰顏幾笑開生前相遇且銜杯蓮塘十里花  
如錦有底忙時不肯來

孫省元鎮 一首

鎮字安常絳州人高才博學嘗中省試魁  
永安二年五赴廷試賜第以陝令致仕年  
八十四卒有汪東坡樂府歷代登科記行

於世弟寧州刺史錡字安世潘原令鉉字

安道同榜擢第鄉人榮之號三桂孫氏安

常孫詵思美軍府叅佐安世孫處謙志全

安道孫蔚今俱在

許氏雙桂堂

許家二桂聯翩秀孫氏三枝次第春盛事若將相  
比竝輪君堂上拜雙親

張著 二首

著字仲揚永安人奉和五年以詩名召見  
應制稱旨特恩授監御府書畫

九日

雨沐天容霽欲流好山誇翠出墻頭  
黃花憔悴東籬晚一段陶家冷淡秋

雨後

西風無意繆織雲掃盡千峰雨  
脚痕一片秋光清似水家家空翠滿柴門

景覃

一首

覃字伯仁華陰人年十八有賦聲  
大定初三赴簾試後以病不就舉  
博極群書有舉問者立誦數百言  
不休又從而講說之為人誠實樂  
易不脩威儀隱居西陽里以種  
樹為業落托嗜酒醉則浩歌日以  
為常作詩有切樂府亦可傳予同  
年進士王元禮嘗從之學說伯仁  
老不廢書有勸以養目

力者曰吾輩非讀書則無所用心要當死  
而後已耳晚年於易有所得年七十終于  
家自號涓濱野叟有集傳關中

感事

蘭芳切禁當門種李苦何傷竝道生自古英雄足  
猜忌莫教身外有浮名

段繼昌 五首

繼昌字子新白水人自號適安居士喜作

詩與華陰景伯仁相友善家甚貧而世間  
事皆不以挂口有以錢遺之者必盡送酒  
家名酒曰黃嬌盖關中人謂兒女為阿嬌  
子新以酒比之故云一日天苦寒人有遺  
之酒者飲不盡而醉夜半忽驚起以衣衾  
覆酒缸僵卧榻上人為言酒自不冰先生  
將不為寒所病乎子新笑曰人病尚可酒  
病不可療也其好飲如此臨終辭鄉里託

以他適明日卧於党氏園亭大石上視之  
 已逝矣伯仁弔之云適安居士舊知聞廓  
 達靈根厭世紛辭罷親朋便歸去一籌今  
 日又輸君

梨花

一林輕素媚春光透骨濃薰百和香消得太真吹  
 玉笛小庭人散月如霜

一溪

一溪流水走青蛇春在江邊漁父家竹外寒梅看  
 欲盡清香移入小桃花

春早二首

魚兒水汎鴨頭綠野馬塵飛羊角風西崦山家籬  
 落背杏梢初見一分紅

又

斷冰銷盡荻芽尖凍壠蘇來白薺添幾片野雲飛  
 不去晚風吹作雨纖纖

讀紀信傳

鹿走中原兩廝爭榮陽圍解事堪驚當時拔劍論  
切者矢口何人說紀生

岳行甫 二首

行甫字仁老鄜州洛川人在關中最有詩  
名泰和初有以仁老時病詩達之道陵者  
道陵大加賞與授以官不就士論高之舊  
所傳沾泥柳絮燕銜去鎖月梨花鸚鵡喚開

本前人詩又苦無佳致世俗識真者少悞  
謂仁老所作乃闕傳之曾見仁老詩百餘  
篇佳句甚多續當就秦中好事家搜訪之

謝人惠二小漆冠

規製新翻出杜郎最宜閨子夜燒香不爭寶髻  
宮樣自與霓裳配道衰細攏翠鬟雲易滿淺銜  
櫛月難歲水衡雙寄非無意要買楊枝惱孟光

立春日

銀線青絲翠椀堆爭牛擊鼓欲驚雷翻風鬪巧春  
頭勝漉雪浮香臘尾盃迎暖梢梢金著柳逗寒葉  
葉粉飄梅不成一事人空老半百光陰又七迴

迂齋先生周馳 二首

馳字仲才濟南人經學出於醇德先生王  
廣道賦學出於泰山李時亨至於党趙又  
其忘年友也資性古雅而以襟量見稱大  
定中住太學屢以策論魁天下私試亦頗

中監元家素饒財鄉人強以子弟從之學  
所得束脩皆散諸生之貧者貞祐之兵濟  
南陷不肯降攜二孫赴井死鄉人葬之宅  
後之壽樂堂遼東人吳子英嘗從仲才學  
能記其所著亞父撞玉斗賦及他文數篇

著詩

章廟御題  
限紅字韻

矢束形何短籌分色盡紅駢頭斯効力失偶竟何  
功比數槃盂側經營拍掌中蒸豚挑項鬻湯餅拌



油葱正使遭讒口何嘗廢直躬上前如許借猶足

沃淵秉

黻子

私盍反  
走起也

勿以微才棄安危任不輕誰怜一片小能使四方

平凡案由吾正掣孟免爾傾何當遇夷坦沈默更

何嘗

此詩王仲澤所傳或以為仲澤作也以其與周仲才詩意相近附於此以俟更改

劉太常鐸

七首

鐸字文仲冀州棗強人承安五年進士死

光二年入為太常博士正天初改兵部員

外郎以武昌軍節度副使致仕癸巳歲病

歿于京師自號柳溪先生有集傳于家武

成王著作序言文仲生未能言已識百餘

字及授學穎悟過人為入誠實少許可不

徇流俗不慕榮利蓋實錄云子敏中字庭

幹亦學詩今居洛中

三陽述懷

蟻穴吾猶夢蝸廬此僅容一川青靄合半嶺白雲  
封地僻宜藏拙官閑足養慵只慙無補報潦倒不  
歸農

即事

亦在三陽時作

地與中州迴民餘上古淳峽長深東渭路險曲通  
秦煙柳千家曉風花百里春一官如自擇閒處著  
閒身

通池驛舍用苑極之郎中韻

慣從鞍馬作生涯宿處依依認是家爐火相看衣  
袖暖盤飧未辦驛厨譁淹留歲月頭如雪泪没風  
塵眼更花永夜如何得消遣新詩吟罷自煎茶

春日

翠微深處幾人家風颺輕烟雨壓沙寒勒野桃開  
較晚向陽纔有兩三花

所見

綸竿老子綠蓑衣細雨斜風一釣磯正是鄰家社

醅熟柳條穿得錦鱗婦

讀李訓鄭注傳二首

誰教閹宦作權臣肅代優游到敬文三子謀疎誰  
不道泄機也合罪劉蕡

又

綦醫入侍本防猜偶失機權亦可哀陳竇至今佳  
傳在莫從成敗論人材

李扶風節二首

節字正臣涇州人呂造榜進士以詩名關

中資性滑稽談笑有味而臨事以幹局稱

歷威戎扶風令初名守節哀宗即位去守

字哀宗知其名謂侍臣言吾不欲人避上

一字李守節何故避之良久曰臣子敬君

市所避之亦可正臣有詩云梧頭打出和糴米

丁口簽來自願軍讀之則時政可知矣

漁父

舉世從誰話獨醒短蓑輕箬寄餘生半篙春水世  
塵遠一笛晚風山雨晴稚乳滿船生事簡魚蝦到  
市利源輕劣人莫怪機心少曾與滄洲白鳥盟

有感

亂離何事最堪傷孝子陵前段氏莊鑄鐵作門貽  
鬼笑堆金齊斗買天亡春風草滿歲書壁落日狐  
鳴打麥場惆悵賢郎一丘土過車腸痛獨難忘

劉勳

一十三首

勳字少宣本出洛陽元魏遷洛陽一十萬  
家實雲中故其父祖而上爲雲中人至少  
宣客居濟南樂其風土遂占籍焉少日住  
太學與兄譙庭老俱有聲場屋間南渡後  
專於詩學往往爲人所傳其先世本衣冠  
家風流蘊藉都無科舉氣見于文字者亦  
然嘗有詩云萬里風沙伶病客幾年刁斗  
厭寒更人憐直道違時好自喜閒身與世

疎擊筑漫流燕客淚佩蘭誰識楚臣心  
 南云午風襟袖知秋早甲夜闌干得月多  
 又云船行著色屏風裏人在回文錦字中  
 百和香薰風過處萬盤珠落雨來時此類  
 甚多少宣長於尺牘落筆皆有可觀其樂  
 府如算鷗庭院春陰淡之句尤可喜也

讀張仲揚詩回題其上

布衣一日見明君俄有詩名四海聞  
 楓落吳江真

好句不須多示鄭叅軍

偶作

將軍馬躍五撾鼓客子車行三唱雞  
 白髮書生無伎倆滿窗紅日醉如泥

杜善甫乞炭

筆口酸嘶解說窮寒爐隨手變春紅  
 何君大笑涪翁拙費盡奇香得馬通

呈呂陳州唐卿

警盜何煩鼓夜撾麗譙清晝卷高牙春回和氣一  
千里雪與豐年十萬家逋賦稍寬新得帖軍書不  
至早休衙新年載酒須行樂次第東風遶郡花

秋涼

桃笙乘勢獻微涼紈扇無功送暑光老病不嫌風  
露冷莫教添作鬢邊霜

愛詩李道人嵩陽歸隱圖

脫却儒冠已自閒更令家事勿相關百錢便挂青

藜杖不看先生紙上山

元夜陰晦

逐逐雕鞍趁画輪年芳樂事一番新芙蓉城暖東  
風夜楊柳樓深笑語春雨鬢愁添新白雪十年夢  
到軟紅塵空庭不見梅花月寂莫春陰最惱人

傷曹吉甫之死

官職雖低首不低爭教有志竟空齋向人指畫將  
何語卧癖糊塗不解題小女遶床猶戲劇老兵伏

地亦悲啼春風繫馬庭前樹只想東齋醉似泥

同趙宜之賦梨花月

雪樹生香淡月邊相媒相合鬪清妍空庭冷落秋

千影虛度良宵亦可怜

不寐

酪奴作祟攪秋眠追咎前非四十年一夜蟲聲相

計會併催白髮到愁邊

戲鄭秀才

張老豆新頻見餉鄭家米鑿不須賒客來粥熟吾  
能辦要與齊奴鬪咄嗟

春日

粉蝶耽香夢正迷黃蜂和蜜計何癡小軒無事誰  
如我卧看楊花點硯池

答仲和

此身安處苦難尋常羨歸鴉易滿林望遠真成廣  
武歎得詩空作洛生吟逢人放適村村酒感物悲

衰歲歲心想得濟南花正好抱城春水一篙深

李澣

四首

澣字公渡相人少從王內翰子端學詩能  
行書工画山水就所長論之詩為長性寬  
緩笑談有味居京師十五年日游貴人之  
門所至以上客延之善處世不為人所忌  
嫉雅有前輩典刑累舉不第年六十餘卒  
於通許陳留之間

漫書

胸懷平日窗八達伎倆只今龜六歲唯有閒情如  
老菊寒花自信晚能香

二老雪行圖

雪明萬仞鄴西山杖屨平生幾往還滿眼京塵空  
對画何時真似兩翁閒

祕書張監墨梅圖

張南人

眼中只有梅千樹不挂世間蜂蝶花十載江南春



夢斷至今清影在君家

燈下梅影

丁年夜坐眼如魚老矣而今不讀書牆角短檠還  
有用瓦瓶相對一枝疎

秦畧 一十三首

畧字簡夫陵川人父事軻有詩名工作大  
字簡夫少舉進士不中即以詩為業詩尚  
雕刻而不欲見斧鑿痕故頗有自得之趣

悼亡一詩高出時輩殆荆公所謂看似尋  
常最奇崛成如容易却艱難者耶年六十  
七卒臨終留詩云軀殼羈棲宅兒孫邂逅  
思雲山最佳處隨意著詩蒐簡夫自號西  
溪老人有集行於世子彥容為黃冠師今  
在平陽

峯秀峰

平滑石之俗其俗資磨礪磊醜石之秀其秀在醜

中正如古丈夫貌寢氣質雄又如聖人心孔竅虛  
 明通大都一拳許含蓄華與嵩犬巧本若拙足見  
 造化功好處元更多摹寫不易工君其善調護抵  
 擊防兒童

雪行

匹馬東來冰雪天蒼山手冷隨吟鞭煙中髣髴聞  
 雞犬不覺人家到眼前

鳥影過寒塘

著眼分明莫作疑從來形影本同歸不應水底青  
 天上更有飛禽仰面飛

悼亡

自古生離足感傷爭教死別便相忘荒陂何處墳  
 三尺老眼他鄉淚數行多事春風吹夢散無情寒  
 月照更長還家恰是新寒節忍見堂空紙挂墻

元日

新曆從頭數殘冬與我違不知垂老至但覺拜人

稀汲水泥融井看書暖入幃淺情牆外柳新綠已  
依依

贈趙宜之

年時見君行路難喜於長安新得官日來見君鄰  
婦笑驚似藍田尋得玉愛官愛玉樂有涯愛君之  
詩無盡期古人骨冷不復作主張騷雅非君誰

白髮

臨水時自照照我須與看須看何所似恰似純白

絲從茲一白後寧有再黑時譬如花落地不復還  
故枝殷勤語須看聽我自解詩幼小癡讀書既壯  
多憂思自苦有冰蘖自潤無膏脂勞生到今日汝  
白將何辭

同希顏裕之賦樂真竹拂子

覓箇龜毛抵死難直教擊碎釣魚竿世人不用生  
分別信手拈來搃一般

少室山卓劍峯

神威洗盡世間讐  
雷歇雷閒怒氣收  
一柄太阿番少室  
却擎空掌華山頭

此身

此身日日一簞貧  
貧裏番殘自在身  
獨把筇枝行又立  
東風花柳不嗔人

穀靡靡上黨公府作

穀靡靡青割將來強  
半粒急忙舂米送官倉  
只恐秋風馬塵起  
官倉遠在蕎麥山南梯  
直上青雲間

梯危一上八九里之字  
百折縈迴環憑誰說  
向監倉使斛面莫教高  
一指請君沿路看擔夫  
汗顆多於所擔米

麝香

山麝逃風遠谷藏  
一山行過四山香  
臍堂自養千鈞弩  
枉怨虞人鼻孔長

趙洛道中

柔青初散隴頭桑  
村落人家布穀忙  
一段蕪菁渾

著角葉間猶有幾花黃

張琚 二首

琚字子玉河中人父鉉字鼎臣大定中第  
 進士仕至同知定國節度使事子玉刻意  
 於詩五言其所長也如初至華下云老雨  
 梧桐夜孤燈蟋蟀秋客同州云秋風番客  
 館夜雨借僧氈詩人喜稱道之至有張五  
 字之目集蹄韋齋

移河中

畊戰連年廢吾知有此行條山猶在眼渭水若爲  
 情飽肉豺狼喜傾巢燕雀驚西樓今夜月愁絕是  
 空城

秋夜

人與年華老愁兼節物雙高風梧隨砌久雨竹侵  
 窗客簾悲秋卧僧鍾數夜撞更堪衰鬢影蕭颯照

寒鉉

馬編脩天來一首

天來字雲章人止謂之元章介休人黃裳  
 榜經義進士博學多技能画入神品百年  
 以來無出其右者屏山常言天下辯士有  
 三王仲澤馬元章純甫其一也元章住太  
 學十九年貧苦之極人所不能堪然其談  
 笑自若也大安初調潁州司候靈壁簿召  
 為國史院編脩官正大九年病歿於京師

年六十一劉紹宣有贈詩云波瀾口類談  
 玄駛土木形骸與世違疇昔麻鞋見天子  
 只今道服勝朝衣蓋實錄也元章多作詩  
 欲別出盧仝馬異之外又多用俳體作譏  
 刺語如云木偶衣冠休嚇我瓦伶口類欲  
 謾誰嚙骨取肥屠肆狗哺糟得醉酒家猪  
 如此之類不得不謂之乏中和之氣至其  
 賦丹霞下寺竹云人天解種不秋草欲界

獨為無色花。雪云夜來窗外。渾疑月今日。  
 墻頭不見山。末云先生睡起。騎驢看太素。  
 一游非世間。龍門云白含雲竇。雪青補石  
 門。天則知詩者亦當以功揜過耳。

山中

青林寂寂鳥關關。画出風煙落照間。脫却草鞋臨  
 水坐。野雲分我一邊閒。

張內翰本

本字敏之。觀津人。貞祐二年進士。工於大  
 篆。及八分。四十歲後學詩。詩殊有古意。正  
 大九年。以翰林學士從曹王出質。客居燕  
 京。長春宮將十年。後游濟南。病卒。

得王子正書

晨鵲何處來。飛鳴向前除。故人在天涯。遺我尺素  
 書。為言長相思。夢寐同所居。所居亦靡他。上論揖  
 讓。初覺來。獨愴然。淡月番太虛。寒予臨末路。世味

皆泊如一學未敢輟尚念客氣鉏切磋與琢磨政  
恐朋友疎自從吾子東門之長者車發揮天人奧  
大辯孰起予丹陽何高明吾子昔所廬南軒拂翠  
筠北潭照紅蕖蝗害非不虐子食豈無餘灤江固  
自佳何堪曳長裾春風旦夕至歸哉莫踟躕

寄弟

離離丘壠田鬱鬱霜露思相隔二十年且算一何  
悲中途涉萬里天幸復來歸燕安此懷居愧彼神

與祇叔子孝且友見義能不疑上念先塋孤亦閔  
乃兄瘞護喪營大葬勤苦我所知昨朝尺書來殷  
勤咸及茲燈下展轉讀涕淚沾裳衣又付失臨穴  
子焉庸我為我非羽毛寄飽食冥然飛田居有素  
懷行當事畬菑與子奉遺祀沒身以為期

梁都運斗南新居落成

購材燕市中作室何翹翹老手為拮据百目不敢  
驕室成僅容膝勃谿益無聊云胡寫予懷惟是風



雨宵先生名大夫黼衣華四朝楓堂扃柵室燕處  
俱逍遙新築誠瓊子貧飲稱一瓢居之不自陋無  
乃壯志消孰知君子心一念恒萬朝滔滔寧我盈  
凜凜不我凋處樂及處約所以長囂囂里社來落  
成賤子亦見招槃餐無兼味至樂等聞韶我獨何  
人斯永惟德音昭日居及月諸維此心搖搖

中秋雨夕呈君美

怪得秋雲不宵晴天公為惜此杯傾無邊清景關

人意多事西風送雨聲桂樹婆娑辜睇賞桐枝點  
滴厭殘更殷勤朝鏡休重攬白髮星星又幾莖

九日月中對菊同禧伯郎中賦六首

花上清光花下陰素娥惜此萬黃金一杯寒露三  
更後誰信幽人更苦心

又

九日餘香伴月明一觴亦足暢幽情青樓夜半琵琶語不說人間有此清

又

子山牢落去江南賦主悲哀尚一堪只恐秋天聞

亦苦併催紅雨下霜巖

庾信哀江南賦  
唯以悲哀為主

又

病鬼招得未渾全  
暝倚秋屏豈是禪  
一夢忽成霜蝶去  
草深三迳若為眠

又

鬼化斯文念賈生  
精神瑀琢坐寒更  
一書草就

衣卧恨殺東方不肯明

又

龍山戲馬賞秋光  
多少新詩入錦囊  
磨滅英雄豈  
勝數千年依舊一花香

申編脩萬全

二首

萬全字百勝高平人  
兄無夷字百福崇慶  
二年進士百勝少有聲  
太學中貞祐二年  
乙科調福昌簿不赴  
隱居盧氏山中以讀

書為業作詩有靜功然不多見也正大中  
 召為史館編脩從行省慶山南征道中有  
 詩云回首秋風謝敝廬崎嶇又復逐戎車  
 人生行止元無定一葦江湖縱所如不數  
 日溺水死人以為讖云

病中遣懷

浪走天涯歲月侵病中猶作越人吟野麋本自便  
 豐草倦鳥寧當忘故林画像功名元有命乞墦富

貴果何心幾時真脫塵囂累巖穴尋居不厭深

和陳舜俞詩

開裏那容更刺頭石田茅屋喚歸休社門便與詩  
 書老過隙從教歲月流繁木見容良自媿錯刀相  
 贈若為酬酌君安得如川酒醉眼虬蟬萬戶侯

崔遵

三首

遵字懷祖北燕人父建昌字曼卿大定二  
 十五年進士仕至同知武安軍節度使事

懷祖事繼母孝與人交有終始遲重少語  
未嘗及人短長少日在太學有賦聲南渡  
後不就舉選居崧山二十年課僮僕治生  
生理亦粗給前輩如趙吏部子文張左丞  
信甫馮亳州叔獻或懷祖丈人行皆與之  
詩酒相往來懷祖喜賓客有醞藉從容文  
雅使人以與之處而不厭也嘗有宿少林  
詩云青山已有十年舊小雪又為三日留

其他往往稱是

送裕之官鄧下兼簡仲澤

青燈別酒夜沉沉力負相思自不任  
閒裏更誰留我醉興來無復伴君吟  
一枝仙桂知難擬千頃黃陂未厭深  
為向荊州王粲道安排佳境約相尋

和裕之二首

行李西來便得君相從回首七經春  
君方備悉原息病我亦私憐仲父貧  
底事却成今日別枯腸難

著此愁新鳶肩火色真將驗馬虎何勞更問辛

又

不幸還能作幸民十年同醉潁川春酒船載我雖  
堪老仕路有時或為貧少室山人三日惡夷門紙  
價一番新益知哀樂終年事未唱驪駒鼻已辛

王三簿革 一首

革字德新一名著臨潢人以蔭補官碌碌  
筦庫餘三十年正大中以六赴廷試賜出

身調宜君簿爲人有醞藉善談笑密公與  
之唱酬相得甚歡初在太原作詩有赤心  
遭白眼笑面得嗔拳之句公甚愛之有詩  
寄之云柳塘雲觀千鍾酒笑面嗔拳五字  
詩蓋志此也及第後呈同年云孤身去國  
五千里一第遲人四十年大爲閒閒所稱  
德新文游滿天下獨許欽叔與予為莫逆  
云年七十八終於雲中

寄答劉京叔

十年相望惜睽違  
驚見蘭章隨客扉  
鄭子已聞畊有谷  
榮公誰念老無衣  
水浮落日流無盡  
山磔行雲斷不飛  
千古神州亦吾土  
幾時同采北山薇

衛承慶一首

承慶字昌叔襄城人  
父文仲承安中進士  
以孝友淳直稱於鄉里  
官至文登今年七十餘  
卒臨終沐浴易衣冠  
與家人訣怡然

安坐誦東坡赤壁樂府  
又歌人間如夢以下二句  
歌闋而逝昌叔資冲澹  
有父風及識路宣叔王逸賓文伯起故其詩似之

感興

十日不出門出門春已好  
竝山花更多十里紅未  
了朝看花尚妍暮看花  
又老萬紅隨危枝餘香寄  
芳草人生祇如此百年疾  
過鳥安得脫塵寰游戲  
萬物表

劉昂霄 一十三首

昂霄字景玄別字季房陵川人父兪字彬  
 叔明昌二年進士仕為承發司管勾泰和  
 中予識景玄於太原人有言是家讀廣記  
 半月能背誦者予未之許也戲取市人日  
 曆鱗雜米鹽者令讀之一過目無脫遺大  
 率景玄之學無所不闕六經百氏外世譜  
 官制與兵家所以成敗者為最詳為人細

瘦似不能勝衣好橫榮危坐掉頭吟諷  
 中奮袖談辭如雲四座聳聽噤不得語故  
 評者謂承平以來王湯臣論人物李之純  
 玄談號稱獨步景玄則兼眾人之所獨愈  
 叩而愈無窮不知去古談士為遠近餘子  
 不論也嘗用門資叙調慶陽軍器庫使不  
 就諸公方薦試宏辭而景玄病不起矣臨  
 終夢賦山泉云帶雲縈遠澗和月到疎林

又云萬里馮唐老中年賈傅歸未幾下世  
年三十七

中秋日同辛敬之魏邦彥馬伯善麻信之元  
裕之燕集三鄉光武廟諸君有詩昂霄亦繼

作

積甲原頭漢闕宮登臨還喜故人同  
趙趙萬里乾坤眼凜凜千年草木風  
今古消沈詩句裏河山浮動酒杯中  
極知勝日須轟醉更待銀盤上海東

趙村晚望

放眼東原上風煙接渺茫  
林疎出村落野迴散牛羊  
天地浮元氣山河半夕陽  
登高一長嘯未覺阮生狂

送裕之往洛陽兼簡孫伯英

洛水嵩山壽樂堂每從熱惱得清涼  
竹床石枕應無恙尚可分風供十方

題裕之家山圖





萬里神州劫火餘  
九原夷甫有餘辜  
作詩為報元夫子  
莫倚家山在画图

同敬之裕之游水谷分韻賦詩得荷風送香

氣五字 各賦一首

招提有暎踐日暮  
一經過何物媚游  
人微風動池

荷

又

尋幽意自愜  
况與佳人同俗物  
不到眼談笑來天

風

又

敲門看脩竹  
重理舊年夢  
上山復下山  
清風管迎

送

又

寒泉漱雲根  
湛然涵鏡光  
誰知一滴味  
中有曹溪

香

又

迂辛與矐元得句猶有味顏垣歛暝色深竹貯秋

氣

暝色敬之句秋  
氣裕之句也

寄申伯勝三首

直氣南山相與高爭教塵土浣青袍征科頗似曾

料理差勝叅軍作馬曹

又

執版那能拜下風世間禮數困英雄狂歌醉舞人

誰識憔悴通泉郭代公

又

連昌能隔幾牛鳴不見令人鄙吝生乘興時息

相訪劇談豪飲見真情

游五渡谷

南山如碧環缺處蒼崖開當年造物手辦此何神

哉睥睨倚天壁千古封莓苔源源萬斛泉飛出重

山來白龍三百丈行處鳴春雷巨石若棟宇磊砢

相推排跳波與濺沫餘怒猶喧逐我来值杪秋萬

壑風聲袞黃花雜紅樹錦繡紛巖隈竒牒夙所貪  
欲去仍襄個題詩還自笑媿我非仙材

田紫芝 三首

紫芝字德秀滄州人父齊以蔭為部掾德  
秀少孤養於外家定襄趙氏故多居於忻  
年十三外祖廣寧治中命賦麗華引語意  
驚絕人謂李長吉復生資性穎悟一覽萬  
言年二十讀經傳子史幾徧為人疎俊而

以蘊藉見稱與同郡王元卿齊名貞祐初  
避兵臺山倉卒為游騎所馳遇害時年二  
十三士論惜之

夜雨寄元敏之昆弟

時年十六

醉夢蕭森蝶翅輕一燈無語夢邊明虛檐急雨三  
江浪老木高風萬馬兵枕簟先秋失殘暑湖山徹  
曉看新晴對床曾有詩來否為問韋家好弟兄  
亂後登凌雲臺

愁思紛紛不易裁  
凌雲臺上獨徘徊  
亂鴉背著斜陽去  
寒鴈帶將秋色來  
破屋無烟空碎瓦  
新墳經雨已蒼苔  
天翻地覆親曾見  
信得昆明有劫灰

冥鴻亭下第後作

眼底功名一物無  
飛揚跋扈竟何如  
青雲岐路多辛苦  
賴得皇家結網疎

王萬鍾 三首

萬鍾字元卿秀容人父甫字用之通經史

淳質有儒行亦以知醫見稱兄萬石字器  
玉任太學有賦聲用之妻死不更娶二子  
俱無家室井臼之事率親為之貧居陋巷  
中破屋蕭然不蔽風雨而弦誦之聲不絕  
也元卿少有逸才讀書有後先不欲速成  
詩文閒適似其為人客至清談終日人不  
敢以俗事浼之與同郡田德秀齊名號王  
田評者謂規製宏博主不及田而瀟灑無

塵土氣田亦非王比也元卿嘗有詩寄予  
關中云千里呂安息叔夜二年社燕伴秋  
鴻賦梅花云漢宮月下三千額好在春風  
一抹痕笑吾兄敏之云蘭廷水流三月暮  
桂林風落一枝春古詩尤蕭散有自得之  
趣兵火中皆亡失之矣初用之聞北兵入  
塞即以吾州為不可守去之太原五年不  
敢歸貞祐二年州破死者十餘萬人而用

之亦以是日病歿於太原較其時皆三月  
三日巳時也人謂用之先是固可稱然生  
死定數亦自不能免云元卿父歿之後與  
其兄居于平晉之金城里明年兵復至兄  
被害元卿欲收葬之時游騎充斥親舊勸  
勿往元卿持不可曰兄死不收留此身欲  
何用耶流涕而去尋亦被禍時人甚哀惜  
之元卿長子一月死時年二十七矣

春宵

風尖月細春猶淺  
酒冷燈昏夜向深  
人在西軒愁不寐  
十年間事總經心

元氏桂軒為敏之賦

簾捲堂前桂子涼  
一軒燈火夜初長  
月中春好元無價  
天上風來別有香  
棠棣一家同映秀  
詞林百世繼餘芳  
閒花野草空無數  
掩盡人間獨擅場

江村風雨圖

秋風槭槭澹林暉  
烟靄昏昏失翠微  
一段蓴鱸江上興  
蓬窗岑寂夢魂飛

雷瑄

一十九首

瑄字伯威坊州人以薦書從事史館調八  
作司使博學能文時輩少有及者并州人  
李汾與伯威同在史館以高蹇得罪伯威  
作詩送之頗譏翰林諸人不能少忍至與  
一書生相角逐使之狼狽而去有郎君未

足畱商隱官長從教罵廣文之句又云明  
日春風一杯酒與君同酌信陵墳人甚稱  
之

信陵館酒間二首

閒過信陵飲有懷信陵君君去日已遠誰怜抱關  
人徑攜一壺酒往酌公子墳墳科久已平墓木幾  
為薪泉扉鎖長夜千載不復晨昔與賢俊遊今為  
狐兔隣豪貴竟安在念之心紛紛有生會歸盡但

恐後無聞此意不可必且醉梁園春

又

維昔有迂叟樹桐彼高岡殷勤為封植遂欲棲鳳  
皇桐生日已長鳳來殊未央維鳳覽德輝非時詎  
來翔枝幹枯以死志願終莫償憶在西周初飛下  
岐之陽喪回不能去和鳴聲鏘鏘文王既已沒千  
載徽音亡咄爾叟何為而欲發其光空令枯株上  
日晏啼鶯鷓

客有自關輔來言秦民之東徙者餘數十萬  
 口攜持負戴絡繹山谷間晝食無糗糒夕休  
 無室廬飢羸暴露濱死無幾間有為秦聲寫  
 去國之情者其始則歷亮而宛轉若有所訴  
 焉少則幽抑而悽厲若訴而怒焉及其放也  
 嗚嗚焉悵悵焉極其情之所之又若弗能任  
 焉者噫秦予父母國也而客言如是聞之悲  
 不可禁乃為作商歌十章倚其聲以紓子懷

且俾後之歌者知秦風之所自焉

扶桑西距若華東盡在天王職貢中一自秦原有  
 烽火年年選將戊河潼

又

春明門前灞水濱年年此地送行頻今年送客不  
 復返卷土東來避戰塵

又

盡室東行且未歸臨行重自鎖門扉為語画梁雙



燕子春來秋去倚誰飛

又

灞水河邊楊柳春柔條折盡為行人只愁落日悲  
笳裏吹斷東風不到秦

又

纍纍老稚自相攜側耳西風聽馬嘶百死纔能到  
關下仰看猶似上天梯

又

上得關來似得生關頭行客唱歌行虛巖遠壑互  
相應轉見離鄉去國情

又

前歌未停後迭呼歌詞激烈聲嗚嗚天下可能無  
健者不挽天河洗八區

又

折來灞水橋邊柳盡向商於道上栽明年三月花  
如雪會有好風吹汝迴

又  
行人十步九盤桓巖壑縈迴行路難忽到商顏最  
高處一時揮淚望長安

又

西來遷客莫回首一望令人一斷魂正使長安近  
於日煙塵滿目北風昏

陽夏懷古

短衣匹馬西北來十年去國隨風埃解鞍呼酒歌

一曲玉鞭倒捉敲金壘君不見項王臺昔時崔嵬  
今已頽秋風蕭瑟吹草萊又不見漢王城昔時嵒  
堯今已平寒烟寂寞啼鼯猩牧童擡頭學楚聲野  
老扶犁城上畊畊勢不斷楚聲哀行人欲去還乘  
個劉項英雄安在哉人間俯仰易陳迹聞身健在  
須銜杯

龍德宮

紫簫吹斷綵雲歸木二樓空盡玉梯綵仗竟無金

母降仙裾猶憶化人攜千年洛苑銅駝怨萬里坤  
維杜宇啼莫倚危闌供極目斜陽更在露盤西

南國

南國春生江水肥烏檣風扇錦帆歸吳兒日暮棹  
歌發驚起鴛鴦相背飛

古意四首

美人傷獨宿窈窕春閨深素手卷翠被當牕調玉  
琴危絃奏苦調清歌抗哀音絃絕歌復咽起作薄

命吟妾如朱槿花含英愁晏陰郎如青銅鏡照面  
不照心不怨不熒心但惜飛光沈且番連理枕莫  
捲合歡衾儻君回餘輝歡盟尚可尋

又

對酒不能飲拊劍自度曲一唱行路難歌與淚相  
續朝為楊朱泣暮作阮籍笑古道盡荆棘新蹊苦  
蕘菜曲行違吾心直行傷我足曲直無適從昂頭

羨鴻鵠

又

綿綿兔絲草濯濯檉樹枝  
 結根偶相值引蔓纏綿  
 之春風一披拂柯葉含榮  
 滋弱質附美蔭百齡誓  
 不違清商忽用事霜飈  
 颭已淒豈意百尺條同  
 此寸草萋萋蔓失所託  
 惟悴徒傷悲知君無歲  
 寒何用相因依

又

賢王悲墜屨賢婦念遺簪  
 重在不志故微物何所

欽嗟我昔遊友雲路揚徽音  
 詎念宿昔好棄擲各飛沈  
 昔如膠投漆今如辰與參  
 桃李雖成蹊諒無松柏心

王亳州賓

三首

賓字德卿亳州人貞祐二年進士由虹縣  
 令入為尚書省令史壬辰京城受圍亳州  
 為單父軍楊春所據春以事出德卿與故  
 譙縣尉王進反正朝廷授進集慶軍節度

使德卿同知使事明年夏六月車駕幸蔡  
道出于亳德卿逆謁上與語慰勞者久之  
詔行六部尚書事仍賜世爵後數日部曲  
崔七輩以軍食不給送款執德卿與副使  
呂鈞往市中鈞且行且拜泣涕不休德卿  
毅然無所屈大呼曰但殺但殺不能從汝  
也是日遇害德卿學詩甚力故所得亦多  
如風生傳令箭星落受降城燿外算鍾催

倦馬林間殘照聚  
歸鷗倉小軍爭米邨荒  
虎食牛又贈剗上人云  
楞嚴讀罷爐烟冷  
澹坐山堂閱世人  
言懷云功名不到書生  
手坐撫吳鈞惜壯圖  
題馬丘寺壁云落葉  
擁窗僧入靜孤燈穿屋  
客吟秋人甚稱之

衛真道中

毳袍落托又西征  
陌上東風小雪晴  
草色喚回原  
燎黑冰漸消入水痕  
清年華荏苒心情減  
邊事倉

皇夢寐驚早晚  
渦南傳吉語  
一犁燠雨趁春暘

舟中

河伯夸秋漲  
舟人健晚涼  
櫓聲搖落月  
山氣鬱蒼

蒼

除夜

落托功名挽不前  
圍爐兀坐夜蕭然  
臘殘回角東風裏  
春到梅花小雪邊  
守得歲來慵攬鏡  
送將窮去自衰船  
平明點檢人間事  
只有詩魔似去年

李夷

三首

夷字子遷後改名佻宛丘人苦於作詩賦

古鏡云盤盤古皇州夢斷繁華歇一鞭春

事忙畊出隴頭月土蝕背花昏蹄涔駭龍

蹲須髯怒欲張縮手不敢捫又云壽光閱

人多曾有此客否欽叔諸人甚愛之

贈國醫張子和

禁籞喧喧以字行  
麓工徃徃笑狂生  
天將借手開

金匱雲本無心到玉京歌嘯動成干日醉雷連翻  
獸五侯鯖祝君莫觸曹瞞怒世上青黏要指名

古劍

古柵崖摧老雨天忽驚神物茁蒲然虵吞元氣螫  
千載龍逐奔霆脫九泉逆首未歸豪馘裏缺歌聊  
發慨彈邊物猶屢出為時用撫匣潏然惜壯年

書淵明傳後

南渡龍孫角禿顛不甘橫斃寄奴弦一襟義氣麾

周粟滿簡清風削宋年雪徑低迴松落落霜齠健  
羨菊鮮鮮時屯謚輩輕顏節顏厚吾家草木賢

郭邦彥六首

邦彥字平舛本鄆縣人僑居陽翟遂占籍  
焉興定五年進士調永城簿以退讓見稱  
生世不幸處于頑嚚傲三者之間鬱鬱不  
自聊年未四十而死寄庵先生愛其詩甚  
嗟惜之

秋夜聞彈箏篴

露重花香飄不遠  
 風微梧葉落無聲  
 倡樓何處教新曲  
 夜靜月高弦索鳴  
 村行三首  
 棗花初落路塵香  
 燕掠麻池乍頽頽  
 一片雲陰遮十頃  
 賣瓜棚下午風涼

又

芹葉蘆花岸  
 兩邊釣溪石  
 畔落孤鷺  
 小畦引入平

流水麻稈森森已拍肩

又

豆葉芄芄麻葉光  
 植禾得雨又催黃  
 田家樂事誰真得  
 牧子行歌醉叟狂

酒醒

少年驕氣總消磨  
 萬事紛紜夢裏過  
 三載自持葷食戒  
 一心還被性宗魔  
 凌煙閣上榮名好  
 聚窟洲邊樂事多  
 今日酒酣都忘却  
 亂吟俳語作狂歌



讀毛詩

含氣有喜怒觸物無不鳴天機泄鳥迹文字從此  
 生誰言土葦器聲合天地清樸壞犧氏瑟巧露媧  
 皇笙末流不可障聲律隨合并徧讀蕭氏選不見  
 真性情怨刺雜譏罵名曰離騷經頌美獻諂諛是  
 謂之果銘詩道初不然自是時代更秦火燒不死  
 此物如有靈至今三百篇殷殷金石聲漢儒各名  
 家辯口劇分爭康成獨麾戈諸儒約連衡祭酒最

後出千古老成精我欲讀爾雅不辨螯蟹名尚憐  
 沈謝輩滿篋月露形孔徒凡幾人入室無長卿三  
 子論性命舉世為譏評白首草太玄才得覆醬罌  
 不如匡鼎說愈笑人愈聽

史學

學字學優延安人兄才字才長住太學有  
 聲學優正大中省試第一人釋褐舞陽簿  
 辟盧氏令卒官妻李氏國初河南尹成之

孫女小詩殊有思致學優嘗客京師有所

眷久而不歸李作詩寄之云百年風樹底

誰淚到君前學優得詩即日命駕

陪陳彥文謁筠泉崇上人 才長

強隨禪客到西禪竹柏團青蔭石泉一首小詩吟

不就閒情元在落花邊

宮詞 學優

寶帶香構水府仙黃旂彩扇九龍船薰風十里瑤

華島一派歌聲唱采蓮

默翁溪山橫幅 默翁龐都運才卿自號

五雲雛鳳下遼天來作金鸞翰墨仙詩酒償殘鶯

館債簡書薰破鹿門禪自憐歲月塵中老盡攬溪

山筆底傳短草疎林秋一幅典刑人物記當年

李道人崧陽歸隱圖

石壁城頭夜斬關軟紅塵底曉催班道人一笑那

知許門外清溪屋上山

晚梅

孤根春半恰春回  
剛逐天桃艷杏開  
蝶子蜂兒應有語  
東風元不為渠來

山葉夕凋盡  
道東林林一  
神典匪入神

箱牛迴馭錦機閒  
天上悲懽亦夢間  
月夜並肩人

不見蕭蕭風葉滿  
驪山金管傳墨山  
枯面曾效管

醉後

山嶽  
醉後  
山嶽  
醉後

觀魚暫覺心差樂  
化蝶元來夢亦忙  
得似醉中都

放下春風自與百花香

過太室

二輔祥開表聖期  
三呼天壽與天齊  
殿楹碧瓦仍

唐制洞鑱蒼苔失  
漢題柱玉已聞安  
廟祔劍鋒重

為剪撐黎并中剝  
有辭臣賦滿望鸞  
旂鳳蓋西

柱玉

卓劍二  
峯名

侯冊

五首  
侯冊  
五首

冊字君澤以門資  
仕與杜仲梁張仲  
經劉

京叔游用是得名嘗作樂府云玉堦春草

傷心碧錦瑟華年過眼空又云千金買斷

青樓月爛醉桃花扇影風人多愛之壬辰

歲病京師園中作詞云迴首鳳皇城下路

人不見月茫茫明日君澤死其後京城亦

丘墟矣

寒食

文游零落葉辭柯歲月崢嶸馬注坡燕子不來寒

食過滿城風雨落紅多

醉中

爛醉歸來驢失脚破靴拍天冠倒卓起來白眼望

青天狂氣崢嶸無處著陶潛止酒意有在舖糟醲

醜良未害君看謝奕對桓溫得失老兵何足怪螟

蛉螺贏待二豪飲中寧有山家濤平明徑訪陳驚

坐相對春風把蟹螯

學古體

桐風吹月鳥啼井  
蟾波溼露沉雲影  
素絲牽玉轉  
泉華美人睡覺燕  
支冷銀鈎挂簾北  
窗曉翠鬟臨  
鏡雙鸞小黃衫  
少年望不來  
寂寂庭堦滿  
春草

昨朝

昨朝已作春歸辭  
今日還成送客詩  
客子春光俱不見  
落花寂寂閉門時

楚宮

離宮樓閣與天通  
暮雨朝雲入夢中  
回首舊時歌

舞地女蘿山鬼泣  
秋風

王元粹 三十三首

元粹字子正初名元亮後止名粹平州人  
系出遼世衣冠家年十八九作詩便有高  
趣性習專固世事不以累其業故時輩無  
能當之者正大末用門資叙爲南陽酒官  
遭亂流寓襄陽襄陽破隻身北歸寄食燕  
中遂爲黃冠師有十月風霜侵病骨數家

針線補殘衣之句親舊有怜其孤苦欲爲  
 之更娶者子正業已高舉主太極道院竟  
 不能自返年四十餘癸卯九月病卒詩人  
 淄川楊州能挽之云匹婦主中饋雖貧生  
 理存五言造平淡隻影卧黃昏謾下陳蕃  
 榻虛沾文舉尊北平家世絕銜恨入荒原  
 王心從弟鬱亦攻詩方之其兄蓋商周矣

春日

時年十八

春日何慘慘春雲何陰陰桃李都未花况乃餘寒  
 侵久在 cities 居而無人見尋讀易了一編靜見天  
 地心貧士寡徒侶古來非獨今

臨高

客子臨高秋思生碧山無際算雲橫但看八月草  
 木落未見中原塵空清流景暗徂人易老故園何  
 在夢頻驚尊中有物同誰盡正要相看醉膽傾

葉縣贈李長源

相見各異縣歲暮風霜清三日同眠食深見故人  
 情借問何所歷大梁與秦京悠悠川途永冉冉歲  
 月傾子當東北馳予亦西南征人事相羈束何時  
 當合并聊斟昆陽酒為澆胸次平出處固難必勉  
 哉崇令名

送李文起令鄜城

好去鄜城宰當途有薦章長才試縣邑嘉政寄循  
 良遠路連秋草征衫帶夕陽濟時公等在吾欲汎

滄浪

九日

憑高一望客心傷風景蕭條是楚鄉飛雁欲歸何  
 處去幽花還似昔年芳詩因感物聊成詠酒為隨  
 人強舉觴十載蹉跎身事晚每逢佳節轉淒涼  
 壽李長源

匹馬短衣看此行看君誰信是書生聽詩未覺秦  
 川遠倚劍長懷晉水清一飯見哀韓信恥千金為

壽魯連輕壯年休洒新亭淚且為江山灌巨觥

旅次

旅次渾無定生涯亦漫勞病求方士藥寒憶故人

袍避俗惟黃卷忘憂但濁醪柴門多落葉昨夜朔

風高

西山避亂三首

蒼山多回互四望令人迷過午日已暖殘雪融為

泥路滑不可進弱葛愁攀躋老幼委溝壑不如犬

與雞嗷嗷同行子手中各有攜汲澗為飲食架木

為巖栖夜半三四驚翁媪禁兒啼念我長病母亂

離隔東西

又

野宿不得曉飛霜沾敝袍空山凝寒色天邊星月

高憶昨離鄂城數家同道逃穿林恐相失前後聞

呼蹄避亂但欲遠焉知登頓勞俯臨萬仞壑性命

輕鴻毛





又

青青道邊麥知是誰家田山田固已薄榛石復相  
 連旁有破茅屋日入不見煙借問舊居者聞亂已  
 西遷平生苦淪薄對此增慨然甲兵暗宇宙誰能  
 安一屢愁憂無從訴仰面視蒼天伐木南澗底雙  
 鹿過我前

還鄂城舊居

四月六日作

南風兵塵遠病客返舊居入門顧西壁書籍亦無

餘數口共嗷嗷日事將何如屋破未暇葺草滿須  
 當鋤昔去季冬末今來孟夏初深媿資用絕時時  
 煩里閭

經廢宅

誰家住宅北山隈亂後逋人尚未回惆悵門前是  
 官道臨風一樹杏花開

登鄂城寺樓

亂後行藏豈自由此身雖在病兼憂一杯徒積黃

泉恨四壁難爲白日謀  
數極乾坤見中否跡隨溝  
壑恐長休可憐海內干戈滿  
獨對江山倚寺樓

八月二十三日夜走西山

婦病不能進兒啼不肯行  
蒼茫荒野外北風鼓鼙聲  
老幼夜中迷失路入榛荆  
月出天欲曙山頭烽火明  
鄧卒一戰潰敵勢遂縱橫  
昨朝使帖下主將亦還營  
嗷嗷二十載何時見昇平  
我生值世亂世亂難爲生

笑李長源

十月西來始笑君  
山中何處有孤墳  
以才見殺人皆惜忤物能  
全我未聞李白歌詩堪  
應詔陳琳書檄偶從軍  
窮途無地酬知己會待昇平緝舊文

襄陽七絕句

江雨初晴江漲發  
涼風吹水波浪開  
日暮津頭聞打鼓  
越商巴賈卸船來

又

街頭魚米近頗貴縮項長腰最可珍江東蓴鱸亦  
何好能令張翰稱達人

又  
近值喪亂棄中原南來亦復著南冠吾家舊井峴

山畔野老謾作北人看

襄陽城府自古雄千甍萬瓦當晴空短衣少年何  
處客相邀一醉楚樓中

又

城東大堤堤上頭何處女郎同出遊紫蓋留連不  
歸去唱歌日暮傍汀洲

又

江上小兒誇善沒一日入水知幾回汝曹未有機  
心在緣底鷗鳥不飛來

又

歎息耆舊不復見欲問土風誰為陳羊公遺碑武

武侯廟江邊酒家說向人

武侯廟

武侯祠廟南山曲苔滿荒碑不堪讀客子登臨又  
一時秋色蒼蒼入喬木天下不可無奇材千年精  
爽安在哉孤吟裴回不忍去寒日欲下悲風來

萬里

萬里江山動楚吟異鄉風物長年心孤身轉覺乾  
坤窄往事空驚歲月深木落高城初過雁霜飛幽

館夜聞砧蹉跎未遂東遊計醉後悲歌淚滿襟

醉後

雲自無依鶴自孤此生誰信有窮途干戈二十年  
來客留得殘骸傍酒壚

丹陽東樓

仙人樓居避蒸溼東樓縹緲羣仙集風吹高柏影  
在衣忽驚滿座蛟龍入日晚留連共一觴歸來如  
夢海生桑片雲送雨山頭黑傍水低飛燕子忙

東樓雨中七詩

水邊人太燕爭泥風動綠荷香滿溪高樹遠樓遮

望眼獨看山色過墻西

又

倚樓人看水東流橋上行人却望樓零落故宮無

真處蕭蕭禾黍滿城秋

又

多年蒼柏拂簷枝燕子飛來語向誰枕簟不妨留

客住滿樓風雨下簾時

又

雨入溪樓不見山雨晴依舊數峰閒韋郎詩句王

維画好在幽人指頰間

又

庭中野蔓走青蛇窗外萱葵亂彩霞雲漏斜陽雷

漸遠東邊飛雨到瓊華

又

好風吹袖覺涼生  
雨後東溪水面平  
無數荷蓮看正好  
却嫌波底亂蛙鳴

又

溝水清泠樹影圓  
下樓閒步上樓眠  
夜來夢裏驚風雨  
元是松聲到枕邊

王鬱

十二首

鬱字飛伯少日作樂府擬古別離有黃鶴樓高雲不飛鸚鵡洲寒星已曙之句人多

傳之其後入京師大爲李欽所稱與之詩云詩句姬國風下者猶楚辭贈詩者甚多有云憶昔潁亭見飛伯恍若夢中逢李白又云紫陞仙人今淵雲騎風御氣七尺身又云良金元有價白璧况無瑕又云王郎少年詩境新氣象慘澹含古春筆頭仙語復鬼語只有溫李無他人飛伯用是頗自貴重云

春日行

春日飛春野寂紅朋碧友元胎溼東風著意寒食  
 時遊絲粘人困無力小鈴犢車讌堤沙鳳簫驚落  
 瓊英花荒墳頽頽啼夕鴉草荒月黑鬼思家

寄遠吟

一封征人書秋帆瀟湘岸當君高樓醉憶妾空閨

嘆

陽關曲

城東車馬已但衰城西江水青茫茫綠楊陌上一  
 杯酒離愁慘淡春無光秦樓花映晴燿直誰家少  
 婦當門立金鞭入手紫燕嘶回首飛雲晚山碧

傷別曲

蘭皋飛暗塵征車紆去轍長安雖咫尺回首繁華  
 歇故人亭下酒蛾睂眼中血平生慷慨腸忽作柔  
 絲結傳聞紫塞傍秋烽下危堞班超未投筆來瑱  
 空嚼鐵誰能金閨中坐眷娟娟月

長安少年行

新月平康金步蓮青雲戚里玉連錢誰家年少秋  
風裏梁甫吟成抱劍眠

楚妃怨

涼風遶樹秋長河絡天碧深宮悄無人月暗莎雞

泣

古別離

山腰露蕙含天淚江林楓葉秋容醉夫君八月鴈

門行碎霜冷印白龍轡憶君挑妾初鳴琴琴中已  
有白頭吟朝朝算算當時事言之祇足傷人心君  
不見湘妃二女笑舜時煙筠青玉紅珠滋蒼梧人  
去百想絕忍交今日生離別生離別情偏重不及  
雙飛南浦雲落紅寂寂春閨夢

秋夜長

秋風嫋嫋吹庭樹傷心一葉隨風去葉隨風去何  
所之似我年年困羈旅神繆紆屈泥中蟠青雲未



到誰汝怜愁來不寐起視夜斗柄斜指西南天

折楊柳

長安二月多綠楊遠信未到龍庭笏佳人中夜抱

影坐風窗冷冷愁思長青天無雲一鏡潔萬戶千

門音響絕何人橫笛在高樓玉龍叫徹春江月

遊子吟

短目空裴回流雲自來去茫茫曉野客衣單白露

無花落秋樹

楊翥贈李司戶國瑞

洛陽賞盡牡丹春寂寞鈞臺對夕曛手折幽蘭贈  
行子多情惟有李參軍

飲密國公諸子家

裏榆林巷便是臨淄公子家寂寞莫回堂豪

容詞客醉琵琶

